

丁籤十五韋應物之四

唐音統籤卷

十二

五言古詩四

有所思

借問堤上柳青青爲誰春空遊昨日地不見昨日
人繚繞萬家井往來車馬塵莫道無相識要非心
所親

劉辰翁云逢春感興此等語不會絕但澹味又別也

暮相思

朝出自不還暮歸花盡發豈無終日會惜此花開
月空館忽相思微鐘坐來歇

夏夜憶盧嵩

馬音續集
霽霽高館暮開軒
滌煩襟不知湘雨來
蕭灑在幽林
炎月得涼夜
芳尊誰與斟
故人南北居
累月間
徽音人生無閒日
歡會當在今
反側候天日
層城
苦沉沉

春中憶元二

雨歇萬井春
榮條已含綠
徘徊洛陽陌
惆悵杜陵
曲遊絲正高下
啼鳥遺斷續
有酒今不同
思君瑩
如玉

懷素友子西

廣陌並遊騎
公堂接華襟
方歡遽見別
永日獨沉

吟階暝流暗駛氣疎露已侵層城湛深夜片月生
幽林往欵良未遂來覲曠無音恒當清觴宴思于
玉山岑耿耿何以寫密言空委心

月晦憶去年與親友曲水遊讌

晦賞念前歲京園結良儔騎出宣平里飲對曲池
流今朝隔天末空園傷獨遊雨歇林光變塘綠鳥
聲幽彫吐積逋稅華鬢集新秋誰言戀虎符終當
還舊丘

清明日憶諸弟

冷食方多病開襟一
令思故郡烟火滿晴

川杏粥猶堪食榆莢已齏煎唯恨垂親燕坐度此
芳年

池上懷王卿

幽居捐世事佳雨散園芳入門霜已綠水禽鳴春
塘重雲始成夕忽霽尚殘陽輕舟因風泛郡閣望
蒼蒼私燕阻外好臨歡一停觴茲遊無時盡旭日
願相將

立夏日憶京師諸弟

改序念芳辰煩襟倦日永夏木已成陰公門晝恒
靜長風始飄閣壘雲纔吐嶺坐想離居人還當傳

祖景

曉至園中憶諸弟崔都水

山郭恒悄悄林月亦娟娟
景清神已澄事簡慮絕
牽秋塘徧衰草曉露洗紅蓮
不見心所愛茲賞豈
爲妍

雲陽館懷谷口

清泚階下流云自谷口源
念昔白衣士結廬在石
門道高杳無累景靜得忘言
山夕綠陰滿世移清
賞存吏役豈遑暇幽懷復朝昏
雲泉非所濯蘿月
不可援長往遂真性暫遊恨早喧
出身旣事世高

躅難等論

憶澧上幽居

一來當復去猶此厭樊籠況我林棲子朝服坐南宮
唯獨聞啼鳥還如澧水東

重九登滌城樓憶前歲九日歸澧上赴崔都水及諸弟燕集悽然懷舊

今日重九燕去歲在京師聊廻出省步一赴郊園
期佳節始云邁周辰巳及茲秋山滿清景當賞屬
乖離凋散民里闕摧翳衆木衰樓中一長嘯側檢
起涼颼

始夏南園思舊里

夏首雲物變雨餘草木繁池荷初貼水林花已掃
園繁叢蝶尚亂依閣鳥猶喧對此殘芳月憶在漢
陵原

發蒲塘驛沿路見泉谷村墅忽想京師舊居
追懷昔年

青山導騎遶春風行旆舒均徭視屬城問疾躬里
間烟水依泉谷川陸散雜漁忽念故園日復憶驪
山居在苒斑鬢及夢寐嬾婦宦初不覺平生事咄嗟
三紀餘存歿闕已多悲多歡自踈高秩非爲美關

于淚盈裾

睢陽感懷

豺虎犯天綱昇平無內備長驅陰山卒略踐三河地張侯本忠烈濟世有深智堅壁梁宋間遠籌吳楚利窮年方絕輸鄰援皆攜貳使者哭其庭救兵終不至重圍雖可越藩翰諒難棄饑喉待危巢懸命中路墜甘從鋒刃斃莫奪堅貞志宿將降賊庭儒生獨全義空城唯白骨同往無賤貴哀哉豈獨今千載當歎歎

葛常之云韋蘇州睢陽感懷詩有曰宿將降賊庭儒生獨全義宿將謂許遠儒生謂張巡也蓋當時物議以為巡死而遠就虜疑遠畏死而辭救於賊故應物云爾韓愈

嘗有言曰遠如畏死何苦守尺寸之地食其所愛
之肉以與賊抗而不降乎斯言得矣巡死後賊將
生致遠於僊師遠亦以不
屈死則是遠亦終死賊也

廣德中洛陽作

生長太平日不知太平歡今還洛陽中感此方苦
酸飲藥本攻病毒腸翻自殘王師涉河洛玉石俱
不完時節屢遷斥山河長鬱盤蕭條孤烟絕日入
空城寒寒劣乏高步緝遺守微官西懷咸陽道躑
躑心不安

感事

霜雪皎素絲何意墜墨池青蒼猶可履黑色不可

移女工再三歎委棄當此時歲暮難無獨機杼誰
肯施

雨夜感懷

微雨灑高林塵埃自消散耿耿心未平沉沉夜方
半獨驚長簾冷遠學燕巢換誰能當此夕不有盈
襟歎

感鏡

鑄鏡廣陵市菱花匣中發宿昔嘗許人鏡成人已
沒如冰結圓器類璧無絲髮形影終不臨清光殊
不歎一感平生言松枝挂秋月

歎白髮

還同一葉落對此孤鏡曉絲縷乍難分楊花復相
繞時役人易衰吾年白猶少

長安遇馮著

客從東方來衣上灞陵雨問客來何爲采山因買
斧冥冥花正開颺颺燕新乳昨別今已春鬢絲生
幾縷

廣陵遇孟九雲卿

雄藩本帝都遊士多俊賢夾河樹鬱鬱華館千里
連新知雖滿堂中意頗未宣忽逢翰林友歡樂斗

唐詩集卷之六
酒前高文激頽波四海靡不傳西施且一笑衆女
安得妍明月滿淮海哀鴻逝長天所念京國遠我
來君欲還

路逢崔元二侍御避馬見招以詩戲贈

一臺稱二妙歸路望行塵俱是攀龍客空爲避馬
人見招翻踟躕相問良殷勤日日吟趨府彈冠豈
有因

逢楊開府

少事武皇帝無賴恃恩私身作里中橫家藏亡命

兒

劉辰翁云縷縷如不自惜
爲得俠氣動盜見者偏憐

朝提桴蒲局暮竊東

麟姬司隸不敢捕立
在白玉墀驪山風雪夜長揚
羽獵時一字都不識
飲酒肆顏癡武皇升仙去
憔悴被人欺讀書事已晚
把筆學題詩兩府始收跡
南宮謬見推非才果不容
出守撫惇嫠忽逢楊開
府論舊涕俱垂坐客何由識
唯有故人知收拾慘
在多在蘇州平生不知其沈著
轉換正在武皇升仙起
與能令讀
者墮淚

和張舍人夜直中書寄吏部劉員外

西垣草詔罷南宮
憶上才月臨蘭殿出
涼自鳳池來
松桂生丹禁
鸞鷲集雲臺
託身各有所相望
徒

徘徊

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲言
歸亭高性情曠職密交遊稀賦詩樂無事解帶偃
南扉陽春美時澤旭霽望山暉幽禽響未轉東原
綠猶微名雖列仙爵心已遺塵機卽事同巖隱聖
涯良難違

酬盧嵩秋夜見寄五韻

喬木生夜涼月華滿前墀去君咫尺地勞君千里
思素秉棲遁志况貽招隱詩坐見林木榮願赴滄

洲期何能待歲晏携手當此時盧詩有歲晏以爲期之句

酬鄭戶曹驪山感懷

蒼山何鬱盤飛閣凌上清先帝昔好道下元朝自
靈白雲已蕭條麋鹿但縱橫泉水今尚暖舊林亦
青青我念綺襦歲扈從當太平小臣職前驅馳道
出灞亭翻翻日月旗殷殷鞞鼓聲萬馬自騰驤八
駿按轡行日出烟嶠綠氛氲麗層甍登臨起遐想
沐浴歡聖情朝燕詠無事時豐賀國禎日和絃管
音下使萬室聽海內湊朝貢賢愚共歡榮合沓車
馬喧西聞長安城事往世如寄感深迹所經申章

唐書續集
報蘭藻一望雙涕零

酬李儋

開門臨廣陌旭日車駕喧不見同心友徘徊憂且
煩都城二十里居在良與坤人生各所務乖闕累
朝昏湛湛尊中酒青青芳樹園緘情未及發先此
枉與番邁世超高躅尋流得真源明當策疲馬與
子同笑言

酬元偉過洛陽夜燕

三載寄關東所歡皆遠違思懷方耿耿忽得覲容
輝親燕在良夜歡攜關中聞問我猶杜門不能奮

高飛明燈照四隅
炎炭正可依清觴
雖云酌所燃
乏珍肥
晨裝復當行
寥落星已稀
何以慰心曲
佇
子西還歸

酬韓質舟行阻凍

晨坐枉嘉藻
持此慰寢興
中獲辛苦奏
長河結陰
冰皓曜翠玉
發淒清
孤景凝至柔
反成堅
造化安
可恒
方舟未得行
鑿飲空兢兢
苦寒彌時節
待泮
豈所能
何必涉廣川
荒徻且升騰
殷勤宣中意
庶
用達吾朋

奉酬處士叔見示

挂纓守貧賤積雪臥郊園叔父親降趾壺觴攜到
門高齋樂燕罷清夜道心存卽此同疏氏可以一
忘言

酬劉侍郎使君

顧十二左遷過蘇州郡齋燕
集有詩後過信州刺史劉大

真繼作寄應
物因有此酬

瓊樹凌霜雪蕙蒨如芳春英賢雖出守本自玉階
人宿昔陪郎署出入仰清塵孰云俱列郡比德豈
爲隣風雨飄海氣清涼悅心神重門深夏晝賦詩
延衆賓方以歲月舊每蒙君子親繼作郡齋什遠
贈荆山珍高閒庶務理遊眺景物新朋友亦遠集

燕酌在佳辰始唱已慙拙將酬益難伸
濡毫意倦俛一用寫情勤

酬張協律

昔人鬻春地今人復一賢屬余藩守日方君臥病
年麗思阻文宴芳蹤闕賓筵經時豈不懷欲往事
屢牽公府適煩倦開緘瑩新篇非將握中寶何以
比其妍感茲棲寓詞想復痾瘵纏空宇風霜交幽
居情思綿當以貧非病孰云白未玄邑中有其人
憔悴卽我憇由來牧守重英俊得薦延匪人等鴻
毛斯道何由宜遭時無早晚蘊器俟良緣觀文心

未裝勿藥疾當痊
長期簡牘罷馳慰
于冲然

酬閻員外陟

寒夜阻良覲
叢竹想幽居
虎符予已誤
金丹予何如
燕集觀農暇
笙歌聽訟餘
雖蒙一言教
自愧道情疎

李博士弟以余罷官居同德精舍共有伊陸
名山之期久而未去在詩見問中云宋生昔
登覽末云那能願迷草直寄鄙懷聊以爲荅
初夏息衆緣
雙林對禪客
枉茲芳蘭藻
促我幽人策
冥搜啓前哲
逸句陳徃迹
鬢陸渾南
迢遞千

峯碧從來遲高駕自顧無物役山水心所娛如何
更朝夕晨興涉清洛訪子高陽宅莫言往來踈驚
馬知阡陌

荅李博士

休沐去人遠高齋出林杪晴山多碧峯顥氣疑秋
曉端居喜良友枉使千里路緘書當夏時開緘時
已度簷維已飄颺荷露方蕭颯夢遠竹窻幽行轡
蘭徑合舊居共南北往來只如昨問君今爲誰日
夕度清洛

荅劉西曹

時爲京兆功曹

公館夜二云寂微涼翠樹秋西曹得時彥華月共流
留長嘯舉清觴志氣誰與儔千齡事雖邈俯念忽
已周篇翰如雲興京洛頗優遊論文不獨占理妙
卽同流淺劣見推許恐爲識者尤空慙文璧贈日
夕不能酬

荅賁士兼達

時任京兆功曹

茂才方上達諸生安可希棲神澹物表渙汗布令
詞如彼崑山玉本自有光輝鄙人徒區區稱嘆亦
何爲滿月曠不接公門但驅馳蘭章忽有贈持用
慰所思不見心尚密况當相見時

荅韓庫部

協

良玉表貞度麗藻頗爲工名列金閨籍心與素士
同日晏下朝來車馬自生風清宵有佳興皓月直
南宮矯翮方上征顧我邈忡忡豈不願攀舉執事
府庭中智垂時亦蹇才大命爲通還當以道推解
組守蒿蓬

荅崔主簿倬

朗月分林霽遙管動離聲故驩良已阻空宇澹無
情窈窕雲鴈沒蒼茫河漢橫蘭章不可荅冲襟徒
自盈

荅暢參軍

熙寧校
本補

秉筆振芳步少年且吏遊官間高興生夜直河漢
秋念與清賞遇方抱沉疾憂嘉言忽見贈良藥同
所瘳高樹起栖鴉晨鐘滿皇州淒清露華動曠朗
景氣浮偶管心非累處喧道自幽空虛為世薄子
獨意綢繆

荅徐秀才

鉛鈍謝貞器時秀復見稱豈如白玉仙方與紫霞
升清詩舞艷雪孤抱瑩玄冰一枝非所貴懷書思
武陵

荅長寧令楊轍

皓月升林表，公堂滿清輝。嘉賓自遠至，觴飲夜何
其宰。邑廩京縣歸，來無寸資環。文溢衆寶雅，正得
吾師廣。川含澄瀾芳，樹擢華滋短。才何足數，枉贈
媿妍詞。歡盼良見屬，素懷亦已披。何意雲栢翰，不
嫌蓬艾卑。但恐河漢沒，回車首路岐。

荅馮魯秀才

晨坐在瓊藻，知子返中林。澹然山景晏，泉谷響幽
禽。髣髴謝塵跡，逍遙舒道心。顧我屢間綬，端爲華
髮侵。簿書勞應對，篇翰曠不尋。薄田失鋤耨，生苗

安可任徒令慙所問想望東山岑

荅崔主簿問兼簡溫上人

緣情生聚累晚照然道流諸境一已寂了將身世
浮閒居澹無味忽復四時周靡靡芳草積稍稍新
篁抽卽此抱餘素塊然誠寡儔自適一忻意愧蒙
君子愛

清都觀荅勿遐

逍遙仙家于日夕朝玉皇興高濤清露沒渴飲瓊華
漿解組一來欵搜衣拂天香粲然顧我笑綠簡發
新章泠泠如玉音馥馥若蘭芳浩意坐盈此月華

未央却念誼譁日何由得清涼疎松抗高殿密
竹陰長廊榮名等糞土攜手隨風翔

善福精舍荅韓司錄清都觀會宴見憶

弱志厭衆紛抱素寄精廬皦皦仰時彥悶悶

平獨

爲愚之子亦辭秩高蹤罷馳驅忽因西飛禽贈我
以瓊琚始表仙都集復言歡樂殊人生各有因契
闊不獲俱一來田野中日與人事疎水本澄秋景
逍遙清賞餘枉駕懷前諾引領豈斯須無爲便高
翔邈矣不可迂

荅長安丞裴稅

出身忝時士於世本無機爰以林壑趣遂成頑鈍
姿臨流意已淒采菊露未晞舉頭見秋山萬事都
若遺獨踐幽人蹤邈將親友違髦士佐京邑懷念
在貞詞久南積幽抱清尊宴良知從容操劇務文
翰方見摧安能戢羽翼顧此林栖時

次盧都韓郎中

高士未轉世頗將榮辱齊適委華冕去欲還幽林
栖雖懷慕明戀忻與物累睽迢迢觀運流誰復識
端倪而我豈高致偃息平門西愚者世所遺沮溺
共耕犁風雪積深夜園田掩荒蹊幸蒙相思札款

曲期見攜

荅暢校書當

偶然棄官去投跡在田中日出照茅屋園林養愚
蒙雖云無一資尊酌會不空且忻百穀成仰嘆造
化功出入與民伍作事靡不同時伐南澗竹夜還
澧水東貧蹇自成退豈爲高人縱覽君金玉篇彩
色發我容日日欲爲報方春已徂冬

澧上精舍荅趙氏外生伉

遠跡出塵表寓身雙樹林如何小子伉亦有超世
心擔書從我遊攜手廣川陰雲開夏郊綠景晏青

山沉對榻遇清夜獻詩合雅音所推苟禮數於性
道豈深隱拙在冲默經世昧古今無爲率爾言可
以致華簪

荅端

郊原夏雨歇閒院綠陰生職事方無効幽賞獨違
情物色坐如見離抱悵多盈况感夕涼氣聞此亂
蟬鳴

荅王郎中

臥閣枉芳藻覽旨悵秋晨守郡猶羈寓無以慰嘉
賓野曠歸雲盡天清曉露新池荷涼已至窗梧落

一經人物殊京國邑里但荒榛賦繁屬軍興政拙
媿新人髦士久臺閣中路一漂淪歸當列盛朝豈
念臥淮濱

荅崔都水

亭亭心中人迢迢居秦關常緘素札去適枉華章
還憶在澧郊時攜手望秋山久嫌官府勞初喜罷
秩閒終年不事業寢食長兩頰不知何爲來名籍
挂郎間攝衣辭田里華簪耀顏顏卜居又依仁日
夕正追攀牧人本無術命至苟復遷離念積歲序
歸途渺山川郡齋有佳月園林含清泉同心不在

冥尊酒徒盈前覽君陳迹遊詞意俱婁妍忽忽已
終日將酬不能宣昨稅况重疊人公門極熬煎責通
其首免歲晏當歸田勿厭守窮職慎爲名所牽

荅裴丞說歸京所獻

執事頗勤久行去亦傷乖家貧無僮僕吏卒升寢
齋衣服藏內篋藥草曝前階誰復知次第濩落且
安排還期在歲晏何以慰吾懷

荅裴處士

遺民愛精舍乘犢入青山來署高陽里不遇白衣
還禮賢方化俗聞風自歛關况子逸群士栖息蓬

蒿間

荅楊奉禮

多病守山郡自得接嘉賓不見三四日曠若十餘
旬臨觴獨無味對榻已生塵一咏舟中作灑雪忽
驚新烟波見棲旅景物具昭陳秋塘唯落葉野寺
不逢人白事廷吏簡閒居文墨親高天池閣靜寒
菊霜露頻應當整孤棹歸來展殷勤

荅儻奴重陽二甥

儻奴趙氏甥仇
重陽崔氏甥播

棄職曾守拙翫幽遂忘喧山澗依磽壑竹樹蔭清
源貧居烟火絕歲熟梨棗繁風雨飄茅屋蒿草沒

瓜園群屬相歡悅不覺過朝昏有時看禾黍落日
上秋原飲酒任真性揮筆肆狂言一朝忝蘭省三
載居遠藩復與諸弟子篇翰每相敦西園休習射
南池對芳尊山藥經雨碧海榴凌霜翻念爾不同
此悵然後一論重陽守故家憫子旅湘沅俱有緘
中藻惻惻動離魂不知何日見衣上淚空存

答重陽

省札陳往事愴憶數年中一身朝北闕家累守田
農望山亦臨水暇日每來同性情一踈散園林多
清風忽復隔淮海夢想在灋東病來經時節起見

秋塘空城郭連榛嶺鳥雀噪溝叢坐使驚霜鬢
亂已如蓬

荅令狐侍郎

一凶迺一吉一是復一非孰能逃斯理亮在識其
微三黜故無愠高賢當庶幾但以親交戀音容邈
難希况借復離久俱忻藩守歸朝宴方陪厠山川
又乖違吳門月海霧峽路凌連磯同會在京國相
望涕沾衣明時重英才當復列彤闈白玉雖塵垢
拂拭還光輝

荅河南李士巽題香山寺

洛都遊宦日少年攜手行投杯起芳席總轡振華
纓關塞有佳氣巖開伊水清攀林憩佛寺登高望
都城蹉跎二十載世務各所營茲賞長在夢故人
安得并前歲守九江恩召赴咸京因望再登歷山
河屬時明寂寥舊情侶少蒼茫林木成牆守或崩剝
不見舊遊處若舊遊况存歟獨此淚交橫交橫誰與
同書畢贈友生今茲守吳郡綿思方未平子復經
陳迹一感我深情遠蒙惻愴篇中有金玉聲反覆
終難答金玉尚爲輕

答故人見諭

素寡名利心自非周圍器徒以歲月資屢蒙藩條
寄時風重書札物情敦貨遺機杼十縑單慵疎百
函愧常負交親責且爲一官累况本濩落人歸無
置錐地省已已知非枉書見深致雖欲効區區何
由枉其志

丁籤十五韋應物之五

唐音統籤卷

二十五

五言古詩五

秋集罷還途中作謹獻壽春公黎公

束帶自衡門奉命宰王畿
君侯任高鑒舉善掩瑕
疵斯民本已安工拙兩無施
何以酬明德歲晏不
磷緇時節乃來集欣懷方載馳
平明大府開一得
拜光輝滿如春風玉肅若嚴霜
威群屬所載瞻而
忘倦與飢公堂蕪華筵禮罷復
言辭將從平明道
憩車澧水湄山川降嘉歲草木
蒙潤滋孰云還本
邑懷戀獨遲遲

城中臥疾知閑靜二子屢從思令飲因以贈
之

車馬日蕭蕭胡不往我廬方來從令飲臥病獨何
如秋風起灑灑開戶望平蕪卽此慙音素焉知中
密踈渴者不思火寒者不求水人生羈旅時去就
當如此猶希心無迹眷眷存終始

贈李儋

絲桐本異質音響合自然吾觀造化意二物相因
緣誤觸龍鳳嘯靜聞寒夜泉心神自安宅煩慮頓
可捐何因知久要絲白漆亦堅

贈盧嵩

百川注東海東海無虛盈泥滓不能濁澄波非益
清恬然自安流日照萬里晴雲物不隱象三山共
分明柰何疾風怒忽若基柱傾海水雖無心洪濤
亦相驚怒號在倏忽誰識變化情

贈馮著

契闊仕兩京念子亦飄蓬方來屬追往十載事不
同歲晏乃云至微樹還未充慙悽遊子情風雪自
關東華觴發懽顏嘉藻播清風始此盈抱恨曠然
一夕中善蘊豈輕售懷才希國工誰當念素士零

落歲華空

對雪贈徐秀才

靡靡寒欲收
靄靄陰還結
晨起望南端
千林散春雪
妍光屬瑤階
亂緒凌新節
無爲掩扉臥
獨守袁生轍

閒居贈友

補吏多下遷
罷歸聊自度
園廬旣蕪沒
烟景空澹泊
閒居養病瘵
守素甘葵藿
顏鬢日衰耗
冠帶亦寥落
青苔已生路
綠筠始分籜
夕氣下遙陰
微風動疎薄
草玄良見請
杜門無請託
非君好事者
誰

龍顧寂寞

晚出澧上贈崔都水

臨流一舒嘯望山意轉延隔林分落景餘霞明遠
川首起趨東作已看耘夏田一從民里居歲月再
徂遷昧質得全性世名良自牽行欣攜手歸聊復
飲酒眠

郡齋贈王卿

無術謬稱簡素食空自嗟秋齋雨成滯山藥寒始
華淺落人皆笑幽獨歲逾除唯君出塵意賞愛似
山家

郡中對雨贈元錫兼簡楊凌

宿雨冒空山空城響秋葉沉沉暮色至淒淒涼氣
人蕭條林表散的礫荷上集夜霧着衣重新苔侵
履濕遇茲端憂日賴與嘉賓接

贈琮公

山僧一相訪吏案正盈前出處似殊致喧靜兩皆
禪暮春華池宴清夜高齋眠此道本無得寧復有
忘筌

贈丘員外

丹

高詞棄浮靡貞行表鄉閭未真南宮拜聊偃東山

居大藩本多事日與文章踈每一觀之子高詠遂
起予宵晝方連燕煩悵亦頓祛格言雅誨闕善語
矜數餘久踟思遊曠窮慘遇陽舒虎丘愜登眺吳
門悵躊躇方此戀攜手豈云還舊墟告諸吳子弟
文學爲何如

贈李判官

良圭定爲寶長材時所希佐幕方巡郡奏命布恩
威食蔬程獨守飲水節靡違決獄興邦頌高文稟
天機賓館在林表望山啓西扉下有千畝田泱泱
吳土肥始耕已見穫衫絺今授衣政拙勞詳省淹

留未得歸雖感且忻願日夕觀光輝

過扶風精舍舊居簡朝宗巨川兄弟

佛剎出高樹晨光闕井中年深念陳跡迨此獨忡
忡零落逢故老寂寥悲草蟲舊宇多改構幽篁延
本叢栢止事如昨芳時去已空佳人亦攜手再往
今不同新文聊感舊想子意無窮

簡恒璨

室虛多涼氣天高屬秋時空庭夜風雨草木曉離
披簡書日云曠文墨誰復持聊因遇澄靜一與道
人期

簡盧陟

可憐白雪曲未遇知音人
恹惶戎旅下蹉跎淮海
濱澗樹含朝雨山鳥哢
餘春我有一瓢酒可以慰
風塵

簡郡中諸生

守郡臥秋閣四面盡荒山
此時聽夜雨孤燈照窻
間藥園日蕪漫書帷長
自閒惟當上客至論詩一
解顏

休沐東還胄貴里示端

宦遊二十載田野久已疎
休沐遂茲日一來還故

墟山明宿雨霽，風暖百卉舒。泓泓野泉潔，熠熠林
光初。竹木稍摧翳，園場亦荒蕪。俯驚鬢已衰，周覽
昔所娛。存沒惻私懷，遷變傷里閭。欲言少留心，中
復畏簡書。母世道良自退，榮名亦空虛。與子終攜手，
歲晏當來居。

善願精舍示諸生

泮池淇水滌樹陰，清露夜灑沉。悄然群物寂，高閣似陰
岑。方以古藪默處，豈爲名跡侵。法妙不知歸，獨此抱
冲襟。齋舍無餘物，陶器與單衾。諸生時列坐，共愛
風滿林。

清渠吾道亦自適退身保玄虛幸無職事牽且覽
案上書親友各馳驚誰當訪弊廬思君在何文明
月照廣除

將往江淮寄李十九儋

余自西京至李又發河洛同道不遇

燕燕東向來文鷁亦西飛如何不相見羽翼有高
卑徘徊到河洛華屋未及窺秋風飄我行遠與淮
海期翅首隔烟霧遙遙兩相思陽春自當返短翮
欲追隨

寄盧廈

悠悠遠離別分此歡會難如何兩相近反使心不

安亂髮思一櫛
如衣思一澆

協韻

豈如望友生對酒

起長嘆時節異京洛
孟冬天未寒廣陵多車馬
日夕自憐盤獨我何耿耿
非君誰爲歡

廣陵留上家兄兼寄上長沙

將違安可懷
宿戀復一方
家貧無舊業
薄宦各飄颻
執板身有屬
淹時心恐惶
拜言不得留
聲結淚滿裳
漾漾動行舫
亭亭遠相望
離晨苦須臾
獨往道路長
蕭條風雨過
得此海氣涼
感秋意已違
况自結中腸
推道固當遣
及情豈所忘
何時共還歸
舉翼鳴春陽

初發揚子寄元大校書

悽悽去親愛泛泛入烟霧

劉辰翁云手濃至歸棹淡便是蘇州筆意

洛陽人殘鐘廣陵樹今朝此爲別何處還相遇
世事波上舟沿洄安得住

淮上卽事寄廣陵親故

前舟已渺渺欲度誰相待秋山起暮鐘楚雨連滄
海風波離思遠宿昔容鬢改獨鳥下東南廣陵何
處在

劉辰翁云偶然景偶然語亦不可再得

經少林精舍寄都邑親友

息駕依松嶺高閣一攀緣前路已窮旣詣喜更

延出嶽聽萬籟入林濯幽泉鳴鐘生道心暮鶴空
雲烟獨往雖暫適多累終見牽方思結茅地歸息
期暮年

同長源歸南徐寄于西子烈有道

東洛何譚休相思迢迢路策駕復誰遊入門無與
晤還因送歸客達此轍中素屢發心所歎豈得顏
如故所歎不可勝巖巖霜晨髮髮髮如彼萬里行孤妾
守空闈臨觴一長嘆素欲何時諧

同德精舍養疾寄河南南兵曹東廳掾

逍遙東城隅雙樹寒葱蒨廣庭流華月高閣凝餘

予欣寂寥

獨遊西齋寄崔主簿

同心忽已別，昨事方成昔。
幽徑還獨尋，綠苔見行跡。
秋齋正蕭散，烟水易昏夕。
憂來結幾重，非君不可釋。

四禪精舍登覽悲舊寄朝宗巨川兄弟

蕭散人事憂，迢遞古原行。
春風日已暄，百草亦復生。
躋閣謁金像，攀雲造禪扃。
新景林際曙，雜花川上明。
但慮方緬邈，陳事尚縱橫。
溫泉有佳氣，馳道指京城。
攜手思故日，山河望恨情。
存者邈難見，去者

者已冥冥臨風一長慟誰畏長行路驚

善福閣對雨寄李僊勿遺

天開嶽太虛晨躋鬱崢嶸驚颺觸懸檻白雲冒層
壑太陰布其地密雨垂八紘仰觀固不測俯視但
冥冥感此窮秋氣沉鬱命友生及時策高步羈旅
遊帝京無隱才品物俱昭形國士乘繩墨何
以表堅貞寸心東北馳思與一會并我車夙已駕
將遂履風征郊塗住成淹默默阻中情

寺居獨夜寄崔主簿

幽人寂不寐木葉紛紛落寒雨暗深更流螢度高

閣坐使青燈曉還傷夏衣薄寧知歲方晏離居更
蕭索

九日澧上作寄崔主簿倬二季端繫

淒淒感時節望望臨澧澗翠嶺明華秋高天澄遙
泮川寒流愈迅霜交物初委林葉索已空晨禽迎
颺起時菊乃盈尺濁醪自爲美良遊雖可娛殷念
在之子人生不自省營欲無終已孰能同一酌陶
然冥斯理

西郊養疾聞暢校書有新什見贈久佇不至
先寄此詩

養病愜清夏郊園敷卉木窻夕含澗涼雨餘愛筠
綠披懷始高詠對琴轉幽獨仰子遊群英吐辭如
蘭馥還聞枉嘉藻佇望延昏旭唯見草青青開門
澧水曲

澧上寄幼遐

寂寞到城闕惆悵返柴荆端居無所爲念子遠徂
征夏晝人已息我懷獨未寧忽從東齋起兀兀尋
澗行胷里叢榛密披翫孤花明曠然西南望一極
山水情周覽同遊處逾恨阻音形壯圖非旦夕君
子勤令名勿復久留燕蹉跎在北京

開元觀懷舊寄李二韓二裴四兼呈崔郎中
嚴家令

宿昔清都燕分散各西東車馬行跡在霜雪竹林
空方軫故物念誰復一尊同聊披道書暇還此聽
松風

春日郊居寄萬年吉少府中孚三原少府偉
夏侯校書密

谷鳥時一轉田園春雨餘光風動林早高窻照日
初獨飲澗中水吟詠老氏書城闕應多事誰憶此
閒居

還關首途寄精舍親友

休沐日云滿冲然將罷官嚴車候門側晨起整朝
冠山澤舍餘雨川澗注驚湍攬轡遵東路回首一
長歎居人已不見高閣在林端

秋夜南宮寄澧上弟及諸生

暝色起烟閣沉抱積離憂况茲風雨夜蕭條梧葉
秋空宇感涼至頽頽驚歲周日夕遊闕下山水憶
同遊

丁籤十五韋應物之六

唐音統籤卷

二百二十六

五言古詩六

塗中書情寄澧上兩弟因送二甥却還

華簪豈足戀幽林徒自遙遙知別後意寂寞掩郊
扉回首足池上更羨爾同歸

寄柳州韓司戶郎中

達識與疎機智殊跡同靜於焉得攜手屢賞清夜
景蕭灑陪高詠從容羨華省一逐風波遷南登桂
陽嶺舊里門空掩新遊事皆屏悵望城闕遙幽居
時序永春風吹百卉和煦變閭井獨閱終日眠篇

書不復省唯當望雨露霧子荒遐境

寄令狐侍郎

三山有瓊樹霜雪色逾新始自風塵交中結綢繆
姻西掖方掌誥南宮復司春夕燕華池月朝奉玉
階塵衆寶歸和氏吹噓多俊人群公共然諾聲問
適時倫孤鴻旣高舉燕雀在荆榛翔集且不同豈
不欲殷勤一旦遷南郡江湖渺無垠寵辱良未定
君子豈緇磷寒暑已推斥別離生苦辛非將會面
日書札何由申

園林晏起寄昭應韓明府盧主簿

忽淮濱異時候了似仲秋月川谷風景溫城池草
木發高齊屬多暇怙悵臨芳物日月昧還期念君
何時歇

寄職方劉郎中

相聞二十載不得展平生一夕南宮遇聊用寫中
情端服光朝次群列慕英聲歸來坐粉闥揮筆乃
縱橫始陪文翰遊歡燕難久并予因謬忝出君爲
瀕疾嬰別離寒暑過荏苒春草生故園茲日隔新
禽池上鳴郡中永無事歸思徒自盈

社日寄崔都水及諸弟羣屬

山郡多暇日社時放吏歸坐閣獨成悶
行務閑清輝春風動高柳芳園掩夕扉
遙思里中食心緒悵微微

寒食日寄諸弟

禁火暖佳辰念離獨傷抱見此野田花
心思杜陵道聯騎定何時予今顏已老

三月三日寄諸弟兼懷崔都水

暮節看已謝茲辰愈可惜風澹意傷春
池寒花歛夕對酒始依依懷人還的的
誰當曲水行相思尋舊跡

寄楊協律

吏散門閣掩烏鳴山郡中遠念長江別俯覺座隅
空舟泊南池雨簾卷北樓風併羅芳樽燕爲愴昨
時同

寄暢當

聞以子弟
被召從軍

寇賊起東山英俊方未閒聞君新應募籍籍動京
關出身文翰場高步不可攀青袍未及解白羽插
腰間昔爲瓊樹姿今有風霜顏秋郊細柳道走馬
一夕還丈夫當爲國破敵如摧山何必事州府坐
使鬢毛斑

京師叛亂寄諸弟

弱冠遭世難二紀猶未平
羈離守遠郡虎豹滿西
京上懷犬馬戀下有骨肉情
歸去在何時流淚忽
沾纓憂來上北樓左右但
軍營函谷谷行人絕淮南
春草生烏鳴野田間思憶
故園行何當四海晏其
與齊民耕

寄恒璨

心絕去來緣跡斷人間事
獨尋秋草徑夜宿寒山
寺今日郡齋閒思問楞伽字

寄全椒山中道士

洪道云此篇高妙超固請
不容誇說而結句非謬言

思索可得劉辰翁云其詩自
多此景意及得意如此亦少

今朝郡齋冷忽念山中客
澗底東荆薪歸來煮白石
欲持一瓢酒速慰風雨夕
落葉滿空山何處尋
行跡

途中寄楊逸裴緒示襲子

永陽縣館中作

上宰領淮右下國屬星馳
霧野騰曉騎霜竿裂凍
旗蕭蕭陟連岡莽莽望空
陂風截鴈嘹唳雲叅樹
參差高齋明月夜中庭松
桂姿當睽一酌恨况此
兩旬期

寄蕤處士

春風駐遊騎晚景澹山暉一問清冷子獨掩荒園
扉草木雨來長里閭人到稀方從廣陵宴花落未
言歸

因省風俗與從姪成緒遊山水中道先歸寄
示

累宵同燕酌十舍携征騎始造雙林寂遐搜剎府
祕群峰繞盤鬱懸泉仰特異陰壑雲松埋陽崖烟
花媚每處觀省率中華遊踐志我尚山水行子歸
棲息地一操臨流袂上聳干雲轡獨往倦危途懷
冲寡幽致賴爾還都期方將登樓遲

歲日寄京師諸季端武等

獻歲抱深慟，僑居念歸楸。常思親愛誰，始覺世務牽。
少事河陽府，晚守淮南壩。平生幾會散，已及嗟
跼年。昨日罷符竹，家貧遂留連。部曲多已去，車馬
不復全。聞將酒爲偶，默以道自詮。聽松南巖寺，見
月西湖泉。爲政無異術，當責豈望遷。終理來時裝，
歸鑿杜陵田。

登郡樓寄京師諸季淮南子弟

始罷承陽守，復卧潯陽樓。懸檻飄寒雨，危堞侵江
流。迨茲聞鴈夜，重憶別離秋。徒有盈尊酒，鎮此百

端憂

寄黃劉二尊師

廬山兩道士各在一峰居
矯掌白雲表
晞髮陽和
初清夜降真侶
焚香清空虛
中有無爲樂
自然與
世疎
道尊不可屈
符守豈暇餘
高齋遙致敬
願示
一編書

寄皎然上人

吳興老釋子野雪蓋精廬
詩名徒自振
道心長晏
如想茲棲禪夜
見月東峰初
鳴鐘驚巖壑
焚香清
空虛
叨慕端成舊
未識豈爲疏
願以碧雲思
方君

怨別餘茂苑文華地流水古僧居何當一遊詠倚
閣吟躊躇

復理西齋寄丘員外

前歲理西齋得與君子同迨茲已一周悵望臨春
風始自疎林竹還復長榛藂端正良難久蕪穢易
爲功援斧開衆鬱如師啓群蒙庭宇還清曠煩抱
亦舒通海隅雨雪霽春序風景融時物方如故懷
賢思無窮

送李十四山人東遊

聖朝有遺逸披膽謁至尊崑崙起買藥龍誓將救元

元權豪非所便書奏寢禁門高歌長安酒忠憤不

可吞

劉辰翁云善道人意高處

歎來客河洛日與靜者論濟世

翻小事丹砂駐精魂東遊無復繫梁楚多大藩高
論動侯伯踈懷脫塵喧送君都門野飲我林中尊
立馬望東道白雲滿梁園踟躕欲何贈空是平生

言

送閩寮赴東川辟

冰炭俱可懷孰云熱與寒何如結髮友不得攜手
歡晨登巖霜野送子天一端祇承簡書命俯仰
角冠上陟白雲嶠下冥玄壑湍離群自有託歷險

得所安當念反窮巷登朝成慨嘆

送令狐岫宰思陽

大雪天地閉群山夜來靖
居家猶苦寒子有千里
行行行安得醉荷此蒲壁
樂賢豪爭追攀飲餞出
西京尊酒豈不歡暮春春
自有程離人起視日僕御
促前征透遲歲已窮當造
巴子城和風被草木江
水日夜清從來知善政離
別慰友生

送馮著受李廣州署爲錄事

嶽巒錫御杖蕭蕭征馬悲
送君灞陵岸糾郡南海
湄名在翰墨場群公正追
隨如何從此去千里萬

唐書紀事卷之四十一
里期大海吞東南橫嶺隔地維建邦臨日域溫煥
御四時百國共臻奏珍奇獻京師富豪虞興戎繩
墨不易持州伯荷天寵還當翊丹墀子爲門下生
終始豈見遺所願酌貪泉心不爲磷緇上將翫國
士下以報湯餓

書於廣陵拜觀家兄奉送發還池州

青青連枝樹冉冉久別離客遊廣陵中俱到若有
期俯仰叙存歿哀腸發酸悲收情且爲歡累日不
知饑風駕多所迫復當還歸池長安三千里歲晏
獨何爲南出登闔門驚颺左右吹所別諒非遠要

令心不怡

餞雍聿之潞州謁李中丞

鬱鬱兩相遇出門草青青酒酣拔劍舞慷慨送子
行驅馬涉大河日暮懷洛京前登太行路志士亦
未平薄遊五府都高步振英聲主人才且賢重士
百金輕絲竹促飛觴夜燕達晨星娛樂易淹暮諒
在執高情

上東門會送李幼舉南遊徐方

離筵旣罷彈尊酒亦已闌聽我歌一曲南徐在雲
端雲端雖云邈行路本非難諸侯皆愛才公子

結歡濟濟都門宴將去復盤桓令姿何昂昂良繡
遠遊冠意氣且爲別由來非所嘆

送洛陽韓丞東遊

仙鳥何飄飄綠衣翠爲襟顧我差池羽咬咬懷好
音徘徊洛陽中遊戲清川溥神交不在結歡愛自
中心駕言忽徂征雲路邈且深朝遊尚同咏夕息
常異林出餞宿東郊列筵屬城陰舉酒欸爲樂憂
懷方沉沉

送鄭長源

少年一朝見飛轡河洛聞歡遊不知羅中路忽言

還泠泠鷓鴣絃哀悄悄冬夜閒丈夫雖取介遠別多
苦顏君行拜高堂速鴛鴦難久攀雞鳴傳侶發朔雪
蒲河關須臾在今夕尊酌且循環

送李儋

別離何從生乃在親愛中反念行路子拂衣自西
東日昃不留宴嚴車出崇墉行遊非所樂端憂道
未通春野百卉發清川思無窮芳時坐離散世事
誰可同歸當掩重關默默想音容

留別洛京親友

揮手出都門駕言適京師豈不懷舊廬惆悵與子

月清餘韻
醉罷日坐高閣清鷗燕華池昨遊倏已過後遇良
未知念結路方永歲陰野無暉單車我當前素雪
子獨歸臨流一相望零淚慙沾衣

天長寺上方別子簡有道

時任京兆府功曹攝高陵宰別田曹

盧康戶曹轉

質因而有作

假邑非積素况乃翔伊人聊登釋氏居携手念茲
晨高曠出塵表道遠滌心神青山對芳苑列樹遶
通津車馬無時絕行子倦風塵今當遵往路佇立
欲何申唯持貞白志以慰心所親

贈別河南李功曹

宏辭登科拜官

耿耿抱私戚，寥寥獨掩扉。臨觴自不飲，況與故人違。
故人方琢磨，瓊朗代所稀。憲禮更右職，文翰灑天機。
津來自東山，群彥仰餘輝。談笑取高第，結綬卽言歸。
洛都遊燕地，千里及芳菲。今朝章臺別，楊柳亦依依。
雲霞未改色，山川猶夕暉。忽復不相見，心思亂霏霏。

宴荆幼遐與君貺兄弟

乖闕意方弭，安知忽來翔。累日重歡宴，一旦復離傷。
置酒慰茲夕，秉燭坐華堂。契闊未及展，晨星出東方。
征人慘已辭，車馬儼成裝。我懷自無歡，原野

滿春光群木含時澤野雉鳴朝陽平生有壯志不
覺淚霑裳况自守空宇日夕但彷徨

劉辰翁云曲折情景甚至

送宣州周錄事

清時重儒士糾郡屬伊人薄遊長安中始得一交
親莫彙若雲集饒別塞城闔高駕臨長路日夕起
風塵方念清宵宴已度芳林春從茲一分手緬邈
吳與秦但覩年運駛安知後會因唯當存令德可
以解悁勤

謝櫟陽令歸西郊贈別諸友生

結髮事州縣蹉跎在文墨徒有排雲心何由生羽

冀幸遭明盛日萬物蒙生植獨此抱微疴頽然謝
斯職大曆十四年六月二十三日自鄆縣制除櫟陽令以疾辭歸善福精舍七月二十日賦此
詩世道方在再郊園思偃息爲歡日已延君子情
未極馳鶴忽云晏高論良難測遊步清都宮迎風
嘉樹飜巖起西郊道原野分黍稷自樂陶唐人服
勤在儻力行君列丹陛出處兩爲得

送端東行

世承清白遺躬服古人言從官俱守道歸來共閉
門驅車何處去暮雪滿平原

送姚孫還河中

唐音統載

卷二百二十六

七

丁

上國旅遊罷故園
生事微風塵滿路
起行人何處
歸留思芳樹
飲惜別暮春
暉幾日投關郡
河山對掩扉

始除尚書郎別善福精舍

建中二年四月十九日自前櫟陽令

除尚書比

部員外郎

簡畧非世器
委身同草木
逍遙精舍居
飲酒自爲
足累日曾一
櫛對書常懶
讀社臘會高
年山川恣
遊矚明世
方選士中朝
懸美祿除書
忽到門冠帶
便拘束愧忝
郎署跡謬蒙
君子錄俯仰
垂華纓飄
颿翔輕轂行
將親愛別戀
此西澗齒遠
峯明夕川

夏雨生衆綠迅風飄野路迴首不遑宿明長下烟
閣白雲在幽谷

送郝詹事

聖朝列群彥穆穆佐休明君子獨知止懸車守國
程忠良信舊德文學播英聲旣獲天爵美况將齒
位并書秦藁省察命駕乃東征皇恩賜印綬歸爲
田里榮朝野同稱嘆園綺鬱齊名長衢軒蓋集飲
餞出西京時屬春陽節草木已含英洛川當盛宴
斯焉爲達生

送蘇評事

唐書新編
季弟仕譙都元兄坐蘭省言訪始忻忻念離當耿
耿嵯峨夏雲起迢遞山川永登高望去塵紛思終
難整

送李侍御益赴幽州幕

二十揮篇翰三十窮典墳辟書五府至名爲四海
聞始從車騎幕今赴嫖姚軍契關晚相遇草賦遽
離群悠悠行子遠眇眇川塗分登高望燕代日夕
生夏雲司徒擁精甲誓將除國氛儒生幸持斧可
以佐功勳無言羽書急坐關相思文